

դիցուք, Անդլիան: Չենք վիճում այս առարկութեան դէմ, մանաւանդ որ բոլշեւիկեան դիւանագիտական «խաղերի» մասին մենք էլ որոշ հասկացողութիւն ունինք: Բայց խաղով թէ ոչ խաղով, բոլշեւիկները ընդունել են նախապատերազմական պարտքերը Ծրանսային վճարելու սկզբունքը. ընդունել են պաշտօնապէս, հրտարակօրէն եւ ի զուր են նրանք ջանում փոշի ցանել միամիտների աչքին՝ իրենց նոր նահանջը քօղարկելու համար:

Այս բոլորով հանդերձ, կրկնում ենք, որ բոլշեւիկները հին պարտքերի մեքթման գործում աւելի մեծ տոկունութիւն են հանդէս բերում, քան թէ միւս գործերում: Եւ հասկանալի է դա. խնդիրը մի սկզբունքի չէ վերաբերում, որ նրանք հնացած լաթի պէս պոկեն իրենց վրայից եւ դէն չպրտեն: Նրանցից մի կամ մի քանի նահանգներ չեն պահանջում, որ նրանք, զլիացականքներից ազատելու համար, ձգեն հակառակորդի բերանը՝ կոկորդիլոսեան արցունքներով մխիթարելով զիջած հողամասի հետ օտար լծի տակ ընկնող Ժողովրդին: Նրանցից դրամ են պահանջում, հնչուն գրամ, որին նրանք այնքա՞ն կարիք ունեն «Կոմկուսի» կազմակերպական մեքենան պահելու, «Կոմիտերների» ծախքերը հոգալու, իրենց միջազգային արկածախնդրութիւնների պատճառած վնասները գոցելու եւ առհասարակ «ընկերվարական շինարարութեան» հետ կապուած նման գործերը կարգադրելու համար...

Սակայն, պիտի կարողանա՞ն բոլշեւիկները, թէկուզ այս մերկանախի նկատումներով չարունակել իրենց դիմադրութիւնը պարտքերի խնդրում եւ եթէ կարողանան՝ դրանից մոռհըրդային երկիրները պիտի շահուե՞ն թէ տուժե՞ն: Մարգարէ չպէտք է լինել այս հարցերին պատասխանելու համար: Բայց մենք աւելորդ ենք համարում նրանցով գրադուել, որովհետեւ մեր տեսութիւնը վերաբերում է բոլշեւիկեան գործունէութեան անցեալին եւ ոչ թէ ապագային:

* * *

Անցնում ենք բոլշեւիկեան յեղաշրջման վերջին եւ ամենակարեւոր առաջադրութեանը՝ համաշխարհային ընկերային յեղափոխութեանը:

Բոլշեւիկների հաւատոյ հանգանակն էր սա հոկտեմբերեան օրերին: Գեո դրանից առաջ, Յիմմերվալդի խորհրդաժողովի ժամանակ, նրանց ներկայացուցիչները պնդում էին, որ ազգերի բազխումը բոլոր երկիրներում պիտի վերածուի ընկերային յեղափոխութեան, եւ դաւաճանի խարան էին դնում այն բոլոր ընկերվարականների ձակատին, որոնք ա՛յլ ըմբռնում ունէին պատերազմի վախճանի մասին եւ ա՛յլ ձեւով էին պատկերացնում ընկերային յեղափոխութիւնը:

Փետրուարեան Յեղափոխութիւնը, որ մի հուժկու հարուածով քաղաքական կեանքի երեսը գուրս բերեց Ռուսաստանի աշխատաւոր զանգուածները եւ մանաւանդ քանուորութիւնը, թեւաւորեց համաշխարհային ընկերային յեղափոխութեան այս հաւատը այն աստիճան, որ բոլշեւիկները նրանից դուրս, կարելի է ասել, ա՛յլ բան չէին տեսնում: Եւ եթէ, 1917-ի փետրուարից մինչեւ հոկտեմբեր ընկերային յեղափոխութիւնը ոչ մի երկրում կենդանութեան նշան չէր ցոյց տալիս, դրա պատճառը նրանք համարում էին այն, որ ուսու ընկերվարականները իրենց ներկայացած պատեհութիւնը չէին ցանկանում օգտագործել՝ իսկական ընկերային յեղափոխութեան օրինակ տալու եւ այդ օրինակով միջազգային աշխատաւորութիւնը իրենց յետեւից քաշելու համար: Գլխաւորապէս սրանով պէտք է բացատրել այն անգուսպ ատելութիւնը, որ այդ օրերին բոլշեւիկները տածում էին դէպի ընկերվարականները, մի ատելութիւն, որ նրանց յետագայ հիասթափութիւններին համընթաց դարգանալով՝ հասաւ այսօրուան աստիճանին...

Հոկտեմբերեան յեղաշրջումից յետոյ՝ համաշխարհային ընկերային յեղափոխութեան բռնկումը այլեւս օրերի եւ մինչեւ իսկ ժամերի խնդիր էր թւում բոլշեւիկներին: Յոռեակունքին հաւատ ներշնչելու համար նրանք «գօրաւոր» պատճառարանութիւն ունէին: — Պատերազմող ուժերը դրեթէ հաւասարաչուած են, հետեւաբար զուր է սպասել, թէ պատերազմը մօտիկ ապագայում պիտի վերջանայ մէկ կամ միւս կողմի պարտութեամբ: Հակամարտ բանակները կուռի վախճանը չտեսնելով՝ ծայրայեղօրէն ջղայնացած են եւ քայքայման նը-